

急救易知

急救易知目錄

一 各種死亡

二 服毒

三 誤吞諸物

四 煙酒醉傷

五 咬傷

六 湯火傷

七 跌打損傷

八 刑杖傷

九 銅鐵竹木雜物傷

十 蟲毒

十一 瘴癘

附 瘟疫及各證預防法

附 奇病

急救易知目錄終

急救易知

一 各種死亡

凡自刎縊死溺死及一切自盡等症人多畏懼不救亦有以爲已死不能復活者不知救治得法亦可回生。下列各方果能如法施治必有奇效即使萬無生理亦當盡人事而聽天命不可見死而不救也。

五絕 凡五絕卒死急取韭菜搗汁灌鼻中或加皂角末麝香同灌更爲快捷。

縊死 回生丹灌之立活真良丹也。又方不可割斷繩索急以衣裹手緊抵肛門。

若是婦女則連前陰抵住緩緩抱住解下安被放倒一人以手緊提其髮不可使頭垂下。一人微微撚整喉嚨。一人擦按心胸。又輕輕摩其肚腹。一人摩擦手足緩緩彎動。若已硬直但漸漸強彎屈之。又用脚裹衣緊抵肛門前陰不使洩氣以兩人用竹管吹其兩耳不可住口或用雞冠血滴鼻中男左女右如此一飯之久卽有氣從口

出不可鬆手。少頃以淡薑湯或清粥與食。令潤咽喉。漸漸能動。乃止。凡縊死從早至晚。雖已冷。可活。自夜至早。稍覺難救。總之身體稍軟。心下微溫者。雖一日以上。若依此救法。多吹多摸。無不活者。勿謂已冷。忽略不救。或再將其兩手大拇指。並排平正。以小帶縛定。於兩指縫中。離指甲角一分半之處。名鬼哭穴。用艾火燒三七次。並燒兩腳心三次。卽活。凡無故中邪而自縊者。以多燒鬼哭穴爲要。又方。炒熱生鹽二大包。從頸喉熨至臍下。冷則隨換。不可住手。其痰盡下。並用人對口以氣灌之。其活更快。又方。陳皮八分。厚朴。製半夏各一錢。肉桂。乾薑各五分。甘草三分。右水煎服。

溺水死。撈起時。急將口撬開。橫啣筋一根。使可出水。以竹管吹其兩耳。碾生半夏末如豆大。吹其鼻孔。又用皂角末置管中。吹其穀道。如係夏月。將溺人肚腹橫覆牛背之上。兩邊使人扶住。牽牛緩緩而行。腹中之水。自然從口中並大小便流出。再用生薑湯調蘇合丸灌之。或生薑汁灌之。並用生薑擦牙。若無牛。用一人覆臥躬腰。令溺

人如前。將肚腹橫覆於活人身上。令活人微微搖動。水亦可出。或用大鍋一口。覆寬
椀上。將溺人覆於鍋上。亦可。如係冬月。即將溼衣更換。一面炒鹽。用布包熨臍。一面
厚鋪被褥。取竈內草灰。多鋪被褥之上。令溺人覆臥於上。臍下墊棉枕一個。仍以草
灰將全身厚蓋之。灰上再加被褥。不可使灰暍於眼內。其撬口啣筋。灌蘇合丸。生薑
湯。吹耳鼻穀道等事。俱照夏日法。冬日醒後。宜少飲湯酒。夏日宜少飲粥湯。溺人倘
或微笑。必急掩其口鼻。如不掩住。則笑不可止。不能救矣。又不可急於見火。一見必
大笑而死。又以酒罈一個。紙片一把。燒放罈內。急以罈口覆臍上。冷卽燒紙片放罈
內。覆臍。去水卽活。又初救起時。尚有微氣。或胸前尙煖。速令生人脫貼身熱衣。爲之
更換。抱擔身上。將屍微微倒側之。令其腹內水流出。若水往外。卽有生機。一面用粗
紙燒煙熏鼻。稍熏片時。卽用皂角研細末。吹入鼻竅。但得微有噴嚏。卽可得生。又灌
酒湯。不可太熱。恐傷齒盡落。

凍死 冬月凍極之人。雖人事不知。但胸前有微溫。皆可救。倘或微笑。必爲急掩其口

鼻。否則不救。又不可驟令近火。見火必大笑而死。凍死。四肢直。口噤。有微氣者。用生半夏末如豆大少許。入耳鼻內。又用大鍋炒灰布包熨心腹上。冷則換之。候目開。以溫酒及清粥少少與之。不可太熱。恐傷齒盡落。如已救活。用生薑搗碎。陳皮搗碎。各等分。用水三碗。煎一碗。溫服。

壓死跌死。急扶起。盤脚坐地。以手提其髮。將生半夏末約豆大。吹兩鼻中。以生薑汁灌之。苟心頭微溫。雖一日亦活。再用白糖調水與服。散其瘀血。或加童便灌之。又方。回生丹灌之。立活。

雷擊死。蚯蚓搗融。敷臍上。半日即活。或回生丹灌之。亦妙。

睡斃死。原有燈。即存燈。無燈。切不可用燈照。急用生半夏末約二豆大。吹入兩鼻。取

母雞冠血搽面上。乾則再搽。即醒。又方。酒調蘇合丸灌之。又方。用艾燒兩

足大拇指向上。生毛處三七次。或燒鬼哭穴亦可。

治夢魘。大塊明雄。硃砂更妙。戴頭上。並繫左腋下。可免鬼魅。並解惡夢。

中邪死 生半夏末如豆大。各吹兩鼻中。燒炭一爐。以陳醋潑炭上。使患者聞得醋氣。卽活。須捉其兩手。勿令驚。或灌醋於鼻內。或用樟木燒煙熏之。亦可。

驚嚇死 回生丹灌之立活。又方 醇酒一二杯。溫熱灌之。自活。或用生半夏末一

豆大。吹兩鼻中。亦可。

痰厥死 巴豆搗爛。綿紙包。板壓取油。作撚燒煙。熏鼻中。片刻吐出痰血。卽愈。或用生半夏末如豆大。吹兩鼻中。

氣厥死 照上痰厥方治之。

中風死 亦可照上痰厥方治之。

尸厥死 附子七錢重者。泡熱。去皮臍爲末。

右分二服。每服酒三盞。煎一盞。如無附子。生薑汁半

盞。和酒同煎百滾。連灌二服。卽醒。或照上痰厥方亦可。

尸厥死。腹響如雷。硫磺一兩。焰硝五錢。

右研細。分作三服。好酒煎至煙起爲止。候

溫。灌下片時。再服。卽安。

忽然胡言亂語昏迷跌倒。此症不省人事。切勿挪動。動則難治。急用大爆竹放頭脚

兩處。頭頂一個 脚底一個一齊點放。其人自醒。大小皆治。屢試如神。

暴厥死。凡人卒然倒仆。急扶入煖室。扶住正坐。用火炭沃醋。使醋氣沖入鼻中。良久自醒。或搗韭菜汁灌鼻。或用皂角末吹鼻。得噴嚏。即醒。如倉卒無藥。急於人中穴及兩足大拇指離甲一韭葉許。各用艾火灸三五次。即活。

發花風死。此症多死於牀上。急用麝香填入臍眼。加薑一片。蓋麝上。艾火灸。則生。

二 服毒

凡解毒藥。俱宜冷服。大忌飲熱湯水。飲熱則不可救。若見酒必死。

解救百毒。乾淨地上。黃土地 更好挖三尺深。入水一桶。用棍攪動。名曰地漿。能解百毒。凡

食隔夜菓餅菜蔬茶水酒漿等物。或飲田塘溪澗井溝之水。誤中無名百毒者。取飲數碗。極爲神效。愈後戒食鱔魚。

中毒七孔流血。

刺蝟皮。煨存性

右爲末。每服三錢。酒調下。立止。

解鴉片煙毒 急用活鴨血多多灌之。凡服鴉片煙者。最爲神效。若身冷氣絕。似乎已

死。如身體柔輭。則臟腑經絡之氣。尙在流通。實未死也。乃鴉片烈性昏迷之故耳。將

其人放在潮溼陰地。用箸撬開牙齒。或用烏梅擦之亦開以箸橫放口內。使口常開。以冷水時

時灌之。或白沙糖調冷水灌之。更妙。外用手帕二三條。以冷水泡透。放胸前輪流更

換。或用整塊豆腐亦可。又用冷水一盆。將頭髮散放盆內。時時換水。切不可見太陽。

一見日照。卽不可救。三四日後。鴉片之氣散盡。卽活。如身不硬。雖七日內亦可回生。

切不可爲無救。遽行棺殮。此法無論服毒輕重。雖手足青黑。亦效。切忌灌服醬油。

恐受鹽滷之毒。反致誤事。若服藥雜亂。亦不可救。活後多服白沙糖水。及生菴豆末。

沖水服。最效。又方 廣州產木棉花六錢。撕鬆。用潔淨大瓦鉢。將鐵火鉗叉開。架

於鉢口。置棉鉗上。火燒淨煙。成灰。放在鉢內。加食鹽二錢。用木棍搗灰並鹽。成極細

末。開水半碗。沖入鉢內。用手將鉢內四面之灰。洗入湯內。復用箸在鉢內調勻。連灰

帶湯。概行服下。片刻煙毒卽可吐出。吞煙至六七錢者。連灌此藥二副。三四刻許。煙

毒亦可嘔出。若吞至一兩零者。連灌此藥三副。藥性行到。自能漸漸還陽。大吐而愈。間有不吐者。則從大便瀉出。煙毒亦自解去。凡遇救人之際。不可慌亂。須照此方細心製之。果能製藥如法。無不神效。他如水粉鉛粉砒霜野菰諸毒。以此解救。亦皆神效。但僅用木棉燒灰。搗末。調開水服。不可用鹽。又方 真南礪砂黃色如膠者爲真 右冷水調服。可以立解。試之屢有奇驗。又方 用清油灌之。立解。緣鴉片煙黏滯腸胃。見油卽散也。

解砒霜毒 防風一兩研末。冷水調服。或用四兩冷水搗汁灌服。亦可。屢試如神。

解野菌毒 照前取地漿水三四碗。入喉卽活。切勿輕視。

解斷腸草毒 此草有尖圓兩種。如服尖葉者。不過一二日。肉卽消化。急用活羊血灌

一二碗。卽活。或服羊油二三兩。亦妙。此草惟羊食之最肥。故飲羊血羊油。卽解。又

方 蕓薹菜搗汁灌之。神效。又方 韭菜汁灌入。亦效。又方 照後解野葛

毒方治之。亦效。

解黃藤草毒

即水莽草或云即斷腸草

黑豆一升煮濃汁候冷透飲之立解或照前解斷腸草毒

及後野葛毒方治之均極效。

解野葛毒

殺鴨白鴨更好

取自然熱血對口急急灌入即活屢試如神不可灌遲遲則血

冷恐難見功。

解野草毒

照上解斷腸草及解野葛毒各方治之或飲甘草水或飲地漿均效。

水菰蓉毒

菜中有水菰蓉圓而光誤食發狂狀如中風或作嘔吐用甘草煮汁冷服。

即解或飲地漿亦可。

解鹽鹵毒

生豆腐漿冷服二三碗至妙如一時難得以黃豆搗碎沖冷水去渣服之。

又方

白沙糖五六兩用冷水調服亦極效驗。又方淘米水冷服三四碗亦

可。

解鹼水毒

照上解鹽鹵毒各方治之。

解煤火毒

中煤炭毒土坑漏火氣而臭穢者人受薰蒸不覺自斃其屍極輒與夜臥

夢魔不能復覺者相似。房中置水一盆。並使牕戶有透氣處。則煤炭雖臭。不能爲害。飲冷水可解。或蘿蔔搗汁灌口鼻。移向風吹。便醒。

解迷悶藥 飲涼水卽解。重則飲藍靛汁。立愈。如牙關緊閉。由鼻灌之。亦可。 又方

白沙糖調冷水服。更妙。

解百藥毒 凡服藥過多。致生瘡毒。頭腫如斗。脣破流血。或心口脹悶。或肚腹撮痛者。

用小黑豆 藁豆各一升。煮濃汁。冷服。卽解。 又方 甘草熬膏。日服數次。解毒如

神。雖泄瀉。亦無害也。 又方 糯米糖食之。卽解。或食白沙糖亦可。 又方 如已

氣絕。祇須心間溫煖者。用防風二錢。煎水。冷服。卽活。

解巴豆毒 口渴面赤。五心煩躁。泄痢不止者。是用黑豆一升。煮汁。冷飲。卽解。 又方

川黃連。煎水。冷服。亦效。

解附子烏頭天雄毒 防風二錢。煎水。飲。或照前解百毒方治之。

解芫花毒 治法與上附子毒同。

解狼毒毒 狼毒藥名。飲鹽水可解。或照前解百毒方治之。

解木鼈毒 身發抖戰者是。急用好肉桂二錢煎服立愈。或用香油一盞和白沙糖一

兩灌之亦可。或照前解百毒方治之。

解硃砂毒 藍靛韭汁飲之即解。

解冰片毒 服冰片過多。口渴心煩。飲地漿一碗冷服即解。

解水銀毒 服水銀欲死者。用真川椒數斤炒熱鋪席下。令患者脫衣蓋被睡之。過一

夜。水銀即從毛孔中鑽入花椒內矣。

解鉛粉毒 婦人因打胎而服鉛粉。生子癡呆。身體多發瘡毒。用活鴨血乘熱服之。極

爲神效。又方 白沙糖三四兩。冷水調服。或用蘿蔔搥汁飲之。均極效驗。

解輕粉毒 輕粉性最燥烈。楊梅等瘡服此雖易收功。其毒竄入經絡。或口齒腫爛。或

筋骨疼痛攣縮。久而潰爛。經年累月。甚至終身不愈。致成殘廢。方用 土茯苓一兩

苡米 銀花 防風 木通 白蘚皮 各一錢 木瓜 錢半 皂莢子 四分 右煎服。日

服三次。氣虛加頂上黨參一錢。血虛加當歸七分。忌食茶並牛羊雞鵝魚肉燒酒麪食辣椒及一切發物。並謹戒房事半年。服至十日。漸次痊癒。功效異常。又方。紅棗丸服之。最爲神效。

解斑蝥毒 黑豆一斤煮濃汁。冷服卽解。又方。涼水調六一散七錢。服二三次。必痛止而愈。又方。玉簪花根煎水。冷服卽解。

解硫磺毒

真烏梅肉

焙乾一兩烏梅有李子假充者以家製爲真

白沙糖五錢煎服。

又方。黑鉛二兩

煎湯服卽解。

又方。

防己二錢煎水。冷服卽解。

解花椒毒

口吐白沫。身冷氣欲絕者是。照前解百毒方治之。卽愈。

解食桐油

急飲熱酒卽解。

又方。

蓮蓬煎水服。甚效。

解食蛇毒

煙油用冷水洗出二三碗。飲之。凡受蛇毒。飲之其味必甘。並不難飲。屢試

如神。或蛇遺毒在食物內亦效。

解蜈蚣毒

凡誤食蜈蚣毒者。用樟樹葉煎水。冷服。極效。又方。十指甲磨冷水。多

飲之。其效無比。又方 照前地漿及野葛方治之。均效。

蜈蚣入腹 食生雞蛋二三個。略過半刻。再飲生油一盃。即吐出。絕妙。

解各蟲毒 照前野葛方治之。極效。

解沙蟲水毒 萵苣菜搗汁飲之。即解。又方 照前解百毒方治之。

解螞蝗毒

又名水蛭

此物入腹。久必生子。食人肝血。腹痛不可忍。面目黃瘦。不治必死。用

桂圓肉荔枝肉亦可包煙油吞之。即死。隨於大便而出。屢試如神。此經驗第一方也。

又方 用白蜜頻頻食之。至一二斤。方愈。螞蝗火燒爲末。見水即活。惟以蜜浸之。即化爲水。故服蜜最佳。以多爲妙。少則不效。如食蜜不愈。即食羊肉可化。白蜜體虛不

可多服。不如第一方之妙。又方 田中泥一兩。雄黃二錢。右爲丸。分作四服。開

水下。其蟲入泥。隨大便而出。有時螞蝗行至鼻孔。血流不止。用田泥泡水一碗。放鼻

孔前。必然乘泥而下。又方 青靛調水飲。即瀉出。又方 蘆薹炒爲末。水調服

一錢。必吐出。

解河豚魚毒 槐花微炒與乾胭脂等分同搗成粉冷水調服極效。又方 多食橄

欖並用橄欖核磨水服極效。又方 照前解百毒方治之。

解各色魚毒 紫蘇煎濃汁冷服極效以多爲妙。又方 多食橄欖並用橄欖核磨

水服最效。又方 食魚過多腹脹面黃者用紅麴三合煮爛連渣服即從大便出

連服三次愈。

解食蠶毒 飲藍靛汁即解。又方 冷水調鹽飲之效。又方 淡豆豉一合槌爛

冷水沖入取汁服即愈。

解田雞毒 照上蠶毒各方治之即解。

解黃白鱗毒 照上蠶毒各方治之。

解螃蟹毒 紫蘇煎濃汁冷服二三碗即解。生藕汁生大蒜汁生冬瓜汁生黑豆汁俱

可解。

解鷓鴣毒 食鷓鴣後喉間生癰潰爛膿血不止用老薑一斤煎水服後下藥治之即